

CANAOUENNOU.

AR MERC'HETAER,

Grêt gant un den eus ar vicher.



Var ton : Pebeus quelou o va Doue.

ABOVE an devez milignet ma chances d'or mam genta
Cahout eur c'hoantaden avalou ; neus mert poanio er bed ma
Mortolod, escop, devezour, bep hini neus e viser,
Mais neus quet c'rioc'h planeden vit hini eur merc'hetaer.

Mil drubuilh, mil displijadur, a rencq bemde anduri
Ne all quet paoues un instand, a tao en devez sourci
Evel arc'had er radeneck, ne gousq morce mert hanter,
Pa ye hed an oll d'ho guele, e rod c'hoas ar merc'hetaer.

Guël e zeo bea dastumet, chadenet evel eur c'hy
L'equet da zivoal ar groague en rouantelès Turqy
Beza broutet vel un azen, samet vel eur marc'h glaouer
Argazet evel ar bleizi, eguet bea merc'hetaer.

Na neus nac h'Enor na profit da c'honit ebars ar etad,
Couscoude aben he hober eo ret beza dilicad
Cavet un teod deliberet, eul lagad lem a seder
Pacianted eur guenvieden, vit beza guir merc'hetaer.

Ret e dezan vel an ta gas guelet en devalijen
Beza soutil vel al louarn, meür vel ar zilien
Calounecq evel a Leon, crapat en guis dar guinver
Beza squan evel er c'haro, vit bea guir merc'hetaer.

Beza gadal a servichus, cheriçzan ar vugale
Laret ez int patrom o zad evit plijout d'ar groague,
Gout tremen brao deus an tud coz, silaou mad o zolio caer
Pœa de banac'hou lapac'h vit beza guir merc'hetaer.

Cahout diouscouarn deus ar squiltra, tevel pes a neus clevet,
Divoal mad da nem vrabançal eus madelés ar merc'het,
Gout an tu da liva guévier, nac'h avec'hon pez zo sclær,
Touët e ve noz da greis-te vit bea guir merc'hetaer.

Clevet propoziou dipitus, beza bouted en cojou
 Insultet gant cos rampenned, rei a receo bac'hadou
 Anduri meurbet aliès ar glao, an erch, an tomder,
 Foëltra e gorf ac e zillad; stard eo beza merc'hetaër.

Miret un hor da vouigourat, miret eur c'hy da harzal
 Mont en tyer dre ar prenest memeus dre ar ciminal
 Crapat demeus ar moguerio, gout lampat dreist ar guircher,
 Bale sioul vel al logod vit beza guir merc'hetaër.

Mæstrounia e zantiman, delc'hel claus var e sonjou
 C'hoarzin gant caon en e galon, squilla pez a gar daëlou
 Quemer, èrvé mê red dezan, eur stum souret pe seder
 En neum divoazan da ruya, vit beza guir merc'hetaër.

Mæs ar starda deus ar vicher e zeo gonit ar merc'het
 Quisidicoc'h marc'hadoures na neus quet var boul ar bet
 Deus e divis, e santimant da bep hini renq hober
 Lenn nemeus bars en e sonjou vit beza guir merc'hetaër.

Vit dont aben deus eur seurès, eo red ober ar gluvén
 Evit gonit un everès, goalc'hi d'eï he c'horzaillen
 Dar merc'het a gar nem benta, rei eur c'hoëf, un davanger
 Laret amploc'h evit justoc'h vit beza guir merc'hetaër.

Goude laquat e oll galloud, fonedta e liardigou.
 Cavet fourgaç a nec'hamant, cabouilhat dre ar poullou;
 E vanq alies e doliou, et teu divrigo dar guer
 Pinous ve! eur c'hoq diblunet, stard eo beza merc'hetaër.

Heuzi e ran pa gomprenan pegument a drubuilhou,
 A viser ac a boan speret a souffir ar paour quès Pitou
 Mæs ar merc'het zo quen tentus a va c'halon quen tener,
 Ma zon en despet dam baro countraigu da c'heul ar vicher.

AN DOGAN.

Var ton : Ar plac'h ma zaves dar guener, *pe var ton :* Merc'het
 Kerhaès à lamp en aer.

Peguen diot eo ar voazet,

Pere ze nos de trubuilhet

O c'hevezat o friejou,

Gant haoûn da zouguen ar c'herpio,

Rrc evrussa den a vale

E zco un dogan var ma fe.

Enr vreg fidel zo peurvia
 O scandalat, pe o vouza,
 E c'hisquignat e c'hy, he c'haz,
 He matés, petramant he goaz,
 Ya evrussa dèn, etc.

Control dezi greg un dogan
 A-zo dinoaz evel un oan,
 Graio he goaz vel ma caro,
 Biquen comz rebec'h na glevo,
 Ya evrussa dèn, etc.

An oll a zo dezan mignon
 Ag ar cheffo deus ar c'hanton,
 Banac'hou pez a gar lounqa,
 Ep ma renq jamæs oféa
 Ya evrussa dèn, etc.

Da vouël Mikel mar n'al pea
 Na neus quet affar da nem gêna
 Tennien en ho pez a garo
 Pa iel Fant da gaout an otro
 Ya evrussa dèn, etc.

Pa vo tom a brao an amzer
 Na veze quet d'alc'het en guer;
 Gant e vreg et vo aliet
 Da bourmen evit e yec'het,
 Ya evrussa dèn, etc.

Gant n'herruo quet re abred
 Laouën é vo diguemeret,
 E goan prientet a gavo;
 Ac e vele tomm, avecho.
 Ya evrussa dèn, etc.

Mar chang de itron guilloudi
 E nem guinig ar gompri,
 Ac an oll a gao ar buguel
 Deus e dad pim patrom hanvel.
 Ya evrussa dèn, etc.

Bugale en heus a bep sort
 Ac ar re heon, ac ar re dort,
 Re vrun, re du, ep caout ar boan,
 Do ober ane é unan.
 Ya evrussa dèn, etc.

Oll tud e dy, ac e briet,
 Mar quèret credi zo pentet
 Var an ton vras à la papa,
 Ac e dieguès memeus tra.
 Ya evrussa dèn, etc.

Mar neus droucviès gant eu
 En justiç ne gollo morce
 A tao, ep mar, en ho al lanç
 Pa yelo Fantic er valanç.
 Ya evrussa dèn, etc.

Diboanyus ral e zeo arstad
 Neus mert zerri e zaoulagad,
 Mont ermœs eur vec'h an amzer,
 Cana dre ma tosta dar guer.
 Ya evrussa dèn, etc.

Evit guir en oll doganet
 Na nint quet quer couls lodennet
 Mœs pa n'ho dê mert an hanter
 O c'condition zo c'hoas caer,
 Ya evrussa dèn, etc.

Evit hon me tanfoeltr biquen,
 Na heurenjin eur femelen
 Mar ne douê din, dirac testo,
 E vin corniec vel eur c'haro;
 Rac evrussa dèn a vale
 E zeo un dogan var ma fe.

